

天元玉冊卷之八

求運交日之法

凡五運皆至一年太過來年不及乘之不及來脫太過從之太過先至十三日不及後至十三日運來之日在天交司日前後各十三日或同交司日齊天至者每歲交司日之于天正日後交司天正即子正冬至六日後即日正大寒日天六司也即大寒日計建丑也此日氣終盡即天德初氣之始陽年太過于天交司前十三日至即于從甲丙戊庚壬支合子戌申午辰寅是謂六陽



天元玉冊卷之八

求運交日之法

凡五運皆至一年太過來年不及乘之不及來脫太過從之太過先至十三日不及後至十三日運來之日在天交司日前後各十三日或同交司日齊天至者每歲交司日之于天正日後交司天正即子正冬至六日後即日正大寒日天六司也即大寒日計建丑也此日氣終盡即天德初氣之始陽年太過于天交司前十三日至即于從甲丙戊庚壬支合子戌申午辰寅是謂六陽



年矣陰年不及于天交司後十三日至即于從乙丁己
辛癸支合丑亥酉未巳卯是為六陰年矣支符平氣歲
於天交司日齊天而至是年支與運合支德四平氣即
非有餘亦非不足日平氣即土運取乙丑乙未金運取
乙酉水運辛未木運丁卯火運癸巳此皆陰季不及作
平氣金運取刑庚子庚午庚申即君相二火中見金運
司天刑之不得有餘故作平氣皆司天日至即同至于
大寒日也

求見五運所至時刻法 其法有五先求土運

先置上元甲子日大唐麟德甲子歲自上元甲子看得
歲甲子數有零年是甲子末周紀者全取之看得歲甲
巳年即以十二年之是六甲年六巳年甲乙土運故甲
子周其天六十年土運作十二乘之得幾何也乘畢即
合零年都幾數零年取甲乙年此皆土運平數也即以
甲巳數作兩位分之甲乙數為上下兩位分之以甲年
為上位巳年為下位甲為太過乙為不及上位甲年計
得幾何下位乙年計得幾何於諸乙年中求其平氣歲
取者乙未乙丑年也先以太過先天運安于上位即以



五因之因得幾何是土數也次不及後天運安于下位
亦作五因之因得幾何土無成數以乘上下遞相乘看
上合下進而乘之乘一作十十作百百作千千作萬一
位乘一位進而乘之先以下乘上次以上乘下乘了合
其數看得幾何乃進二位

以萬作百是退二位即名曰乘退別多少安於上位下
位以周天數乘之即三百六十五度二十五分半看乘
得幾周天也又以乘了者不過數却以率數每周年法
加十三日餘即多合之看得幾何加入來年十三日與



乘數置之此太過先天運數乘之畢別置之寄其數次
以不及得天運亦作周天數減之置不及年率數在上
位下以三百六十五度二十五分半乘之計乘得數幾周
天數即不及後周天運率數每一歲減十三日是不及
運數後十三日也減外得多少數列置一位寄其數此
不及後運乘數減之畢減了合置次要三合之又以平
氣齊天運亦作周天數周之置平氣率數於上位下以
三百六十五度二十五分半乘之計得幾周天數以平
氣齊天運了乘即通運合之將先天後天齊天三運起



合之土運五百去之土無成數五百去之外得幾何次
百乘之是二進作百蓋百乃一百刻也次加入交司時
此是四六天數交司刻數即是申子辰年始於水下
刻即加入一刻巳酉丑年始於三十六刻寅午戌年始
于五十一刻即加入五十一刻亥卯未年始于七十五
刻即加入七十五刻乃交司時也却入前乘退之數是
前來退二位者乘數即加入天數通計合之看得幾何
通計之數皆作百刻即一百去之一日計有百刻是計
刻除去外得多少不滿日者本滿百刻是皆日運之時

刻陽年用奇數陰年用偶數奇隻偶雙也是合陰陽奇偶之數陽年遇偶即減一陰年遇奇即加一一為一刻加減皆刻數也土運之數歲如上見天冲室者即加五十刻上見厥陰亦然天冲本司厥陰木氣皆刑土運必脫來五十刻也皆加減了次用去法除之

次求占候土運法

夫土運者作五運之化源故以為先自太始開闢首見黃氣橫于甲巳歲以為先即太極始敢先有甲子者甲巳土運名齡天之氣黃色經天而過故曰齡天之氣其

炁至也經于角心尾軫四宿其心尾二宿即人馬宮寅
位甲之分也即角在寅角軫二宿天稱雙女二宮之間
即乙之分也已在巳乃辰巳之間即總甲巳二運而
言之先推運數以定時以審候其宮宿之分以占之定
其首尾吉凶可驗吉祥矣所謂土運甲年從甲分心尾
之間黃炁俟之如甲子年纏在虛危二宿即寶瓶宮此
甲子首運首尾也如乙年土運即候從巳分起首乙亦
在地戶黃炁纏于角軫二宿之間起首如乙亥年終于
室壁二宿即雙魚宮室壁亥分也皆自干至支名曰首

尾於是諸甲年諸己年名曰年支同自干哥子干之分
至於十二變位分於十二位宮各有分野此同審而候
之皆同黃炁經於布支占各異子即甲候從甲分己候
從己分甲子終于寶瓶甲戌終於白羊甲申終於雙魚
甲午終於獅子甲辰終於天稱甲寅終於人馬即六甲
年首尾自甲分經于六甲之分也如己丑終於磨蝎己
巳終於雙魚己酉終于金牛己亥終於巨蟹己未終于
雙女己卯終於天稱此六己年首尾自己分終于六支
之分也



求金運取至時刻法

置上元甲子下積年至今看得幾行甲子年數有零
年別取之有零年別取乙庚年將甲子數作十二乘之
每一周天六十年中有六庚六乙計十二年次合零年
共得幾何十二乘之了以合零年乙庚即以乙庚作兩
位分之庚主太過乙主不及中庚年中取出天刑運上
見二火司天刑金運不得太過也即庚子庚午庚寅庚
申只取正化寅午年內平氣子乙年取公平氣過年支
與運合者謂之平氣如取乙酉同金運也置庚年於上



位將律數九因見其數置之上位置乙年于下位將率
數以乙置之下位即四因之陰年從生數燥化故作四
因之因得多少置之於下位將率數四因之如見數置
之下位次上下遞相乘也此將太過乘不及將不及乘
太過先下乘上次上乘下是上下交在乘之求如矣乘
了合其數共合之看得多少次退二位以萬作百乘退
以百乘一令數別置一位名曰乘退置乙位寄其數先
以太過先天運以周天運乘之置太過運率數于上位
以三百六十五度二十五分半乘之看得幾周天也次



以率數每一年加入十三日此陽年太過來早十三日
如外合之見數令置之寄不零置之要用太過先天運
乘了如數畢陽年來早故加之次以不及後天運周天
數乘之置不及後天運率數於上位下以三百六十五
度二十五分半之看得幾周天却以率數每一年法減
十三日陰年來晚十三日減外得多少別置一位寄數
要合之此不及後天運乘數減畢陰年來晚故減也又
次平氣齊天運亦以周天數乘之以率數置之于上位
下以周天三百六十五度二十五分半乘之乘了見其

數即不加不減平氣齊天運不同司天前統十三日至也三運乘了或加或減畢統前三位都合之如太過運九百去之陰年末及生數四也如平氣運亦四百去之平炁天刑九百去之陽年乘數九也陰年四百去之陰年生數四也去外有零其百乘之是進二位以作百是進作百刻也進了却入前來退合之進位乘數令寄置者加入數也合之了次加入交司時刻是四六天數所至時刻也次加入積日殘零此運至日從上元甲子至本日也橫日六陰零零日加入此數刻加了如庚年九



十去之以交數除之乙年四十去之以生數除之如陽
年用奇數去外可見零數隻者奇也陰年用偶數去外
置見數也如陽年見偶即減一數有入即用一是也陰
年用偶數去外置見數也遇奇即加一數有五即用六
是也去外有零是運來之時刻水一刻作每在一時時
有八刻刻用二刻十八數除之金運上見天英室即加
入七十刻先加了次去除之加入外如過百刻即屬來
日上見少陰少陽司天亦然庚子庚午庚寅庚申君相
二火交司天同故加七十刻也

求占候金運法

夫金運者此甲生乙己生庚乙庚金運故次以土運此土運生金是數子母相生者乙庚金運名曰素天之氣素白也經天而過曰素天之氣其氣至也推運可知經于畢觜亢氏此乙庚子分求兩位而言之庚在申畢觜二宿陰陽金牛二宮之間故庚年自庚起首終于年支之分即庚子庚戌庚申庚午庚辰庚寅此六陽年主太過此日自干至支之分庚子自畢觜白炁至於危虛餘皆要只如乙酉年其運自亢氏二宿乙分終於胃昂

金牛宮酉分即乙亥乙酉乙未乙巳乙丑乙卯此六陰年主不及皆自亢氏分至六陰年支也

求水運所至時刻法

置上元甲子至本年下積年至本年看總幾甲子數有零年別取丙辛年看得多少數甲子數并合零年作十二乘之是六丙六辛年計一甲子中一十二年水運乘了合見數得之水運率數也自上元甲子年至今年共得多少水運即以丙辛作兩位分之率立見數以丙作上之位辛作下位丙年太過置于上位寄因數多少也

